



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Ioannis Damasceni Historia, De Vitis Et Rebus Gestis SS. Barlaam Eremitæ, Et Iosaphat Indiæ regis

Johannes <Damascenus>

Coloniæ, 1624

Cap XXXVII. Iosaphat per solitudinem iter faciens, herbis duntaxat victitat:
ac diabolicas tentationes Crucis signo propulsat.

urn:nbn:de:hbz:466:1-45244

uimus. Quid iam nobis post discessum
 tuum futurum est? Quænam mala nos
 arripient? Hæc cum diceret, pectora fe-
 ricbant, eamque, quæ eos inuaserat, ca-
 lamitatem deplorabant. At ille conso-
 latoria oratione ingentem eorum eiu-
 latura comprimens, illud pollicebatur,
 se (quoniam corpore iam non poterat)
 spiritu cum illis fore. Hoc sermone ha-
 bito, spectantibus omnibus è palatio ex-
 cedit: ac statim omnes desperato reditu
 eum sequebantur, atque ex urbe, ut quæ
 iam conspicerè minimè possent, profu-
 giebant. Posteaquam, autem ciuitate
 egressi sunt, vix tandem atque ægrè,
 acrius eos ipso admonente, atque et-
 iam asperiores interdum obiurgatio-
 nem adiungente, ab eo distracti sunt,
 atque inuiti reuertebantur, identidem
 oculos reflectentes, ac pedibus inter
 ambulandum offendentes. Nonnulli
 autem ex ijs, qui feruentiori animo
 præditi erant, lugentes eminus ipsum
 sequebantur. quoadusque nox oborta
 eos inter se disiunxit.

*Diuellun-
 tur ab in-
 uicem.*

I O S A P H A T P E R S O L I T V -
*dinem iter faciens, herbis duntaxat vi-
 titat: ac diabolicas tentationes
 Crucis signo propulsat.*

CA-

CAPVT XXXVII.

Generos^o igitur ille vir ex aula egressus est, perinde lætus atq; alacris, ut cum quispiam è longinquo ac diuturno exilio in patriam se refert. Atque externè quidem eas, quibus uti solebat, vestes gerebat, internè autem cilicium illud, quod Barlaam ipsi dono dederat. Porrò nocte illa in pauperis cuiusdam viri domunculam se conferens, vestes eas, quibus indutus erat, abiicit, postremumque illud beneficium egentibus tribuit. Cumq; ad hunc modum, cum illius, tum multorum aliorum pauperum precibus, Dei opem atque auxiliū sibi accuisset, eiusque gratia & præsidio, tanquā salutis vestimento ac lætitiæ pallio sese induisset, ad solitariam vitam excessit, non panem, non aquā, non quidquam aliud ex iis, quæ ad vitæ necessaria sunt, secum ferens, nullumq; aliud indumentum gerens, præter asperum illud cilicium, de quo paulo ante mentionem feci.

Etenim singulari quodam desiderio, ac diuino immortalis Regis Christi amore saucius, toto animo in id quod amabat incumbere, totus extra se raptus, ac diuinitus immutatus, Deique

*Vestes dat
pauperibus.*

*Idem fecit
S. Ignatius.*

charitate omni ex parte correptus. *For- Cant. 8:*

tis enim, inquit ille, sicut mors dilectio.
 Tantam videlicet ipse ex diuino amo-
 re temulentiam contraxerat, tantaque
 sitiæstuabat, instar scilicet illius, qui
 dicebat. *Quæadmodum desiderat ceruus Psal. 41.*
ad fontes aquarum, ita desiderat anima
mea ad te Deus. Sitiuit anima mea ad
Deum fontem viuum. Et quemadmo-
 dum anima illa, quæ huiusmodi chari-
 tate vulnerata erat, in Cantico Canti- *Cant. 2.*
 corum, ait, *Vulnerata charitate ego sum.*
Acrursum: Ostende mihi faciem tuam,
& fac me audire vocem tuam, vox enim
tua dulcis, & facies tua decora.

Huiusce omni sermone præstantio-
 ris pulchritudinis Christi desiderio, *Christi a-*
 tanquam igne quodam in pectore ac *mor difficul-*
 cepto, Apostolorum chorus, ac Marty- *tates omnes*
 rum agmina, omnia ea, quæ oculis cer- *superat.*
 nuntur, contempserunt, atque omni
 huic fluxæ & caducæ vitæ innumera
 tormentorum & mortis genera prætu-
 lerunt, diuinæ pulchritudinis amore
 flagrantes, atque ingentem Dei Verbi
 erga nos amorem cum animis suis re-
 putantes. Hunc ignem cum præclarus
 etiam, ac corpore quidem nobilis, cæ-
 terum longè nobiliore ac magis regio
 animo præditus vir in seipso accepisset.

ter-

terrena omnia prorsus aspernatur, oēs corporis voluptates proculcat, opes & gloriam, atque humanos honores pro nihilo ducit, diadema & purpuram abiicit, arenarum telis viliora ea existimans, atque ad omnia dura & acerba monasticæ vitæ studia prompto animo sese tradit, illud Psalmistę clamans, *Ad-*

Psal. 62. ha sit anima mea post te, ô Christe: suscipiat me dextera tua.

Cumque ad hunc modum, oculis à tergo minimè contortis, in intimam solitudinem se contulisset, atque caducarum rerum confusionem, tanquam molestissimam quandam sarcinam, & catherenam excussisset, spiritu lætabatur, coniectisque in Christum, cuius desiderio ardebat, oculis, ad eum, tanquam ad præsentem, atque ipsius vocem audientem clamabat, eumque alloquebatur, his videlicet verbis utens. Ne iam, quæso, ô Domine, oculus meus huiusce vitæ bona videat? nec præsens vanitas mentem meam à suscepto itinere abstrahat. Verùm, Domine mi, oculos meos spiritualibus lachrymis imple, gressusque meos dirige, famulumque tuum Barlaam mihi commōstra. Mihi, inquam, eum, per quem mihi salus parata est, ostende; ut solitariæ ac monasticę
vitæ

vitz sinceritatem per ipsum addiscam, ac non ob hostilis belli imperitiam in fraudem inducar. Da mihi, Domine, viam meam nancisci, per quam te adipiscar : quoniam anima mea tui desiderio saucia est : teque salutis fontem ardentem sitit.

Hæc secum perpetuò voluebat, atq; ad Deum loquebatur, per orationem, ac sublimissimam contemplationem, ipsi sese coniungens. Atque ita contento gressu, coeptum iter exequebatur, ad locum eum, in quo Barlaam degebat, peruenire contendens. Herbis porrò ijs, quæ in deserto existebant, alebatur. Neque enim, vt iam à me commemoratum est, præter corpus ac pânos illos, quibus indutus erat, quicquam aliud secum ferebat.

Cæterùm cum exiguum, ac nullius omnino momenti victum ex herbis sibi pararet, a quæ penuria prorsus laborabat : quod videlicet solitudo illa aquæ expers esset. Cum igitur Sole iam sub meridiem vehementer ardente iter faceret, vehementius ob æstum in arida regione siti flagrabat, atque extrema & grauißima ærumna vexabatur. Verùm cupiditas naturam vincebat, ac fitis ea diuina

*Vide sancti
viri pau-
peratam
& absti-
nentiam.*

*Sitis ten-
tatio gra-
uis.*

diuina, qua afficiebatur, sitis aqua flammam minuebat.

*Quibus
diaboli tenta-
tionibus
impetitus
fuerit Io-
saphat.*

At verò ille boni inimicus & inuidus diabolus, huiusmodi animi institutum, atque vsque adeo ardentem ipsius erga Deum charitatem indignissimo animo perspiciens, multas ipsi in solitudine tentationes excitabat, regiam nimirum ipsius gloriæ, splendidissimaque satellitum manus, qua ipsius latus cingi solebat, atque amicorum item & æqualium memoriam ipsi refricans illudque item ipsi ob animum proponens, omnium animas ex ipsius anima pendere: ac reliquas denique alias huiusce vitæ oblectationes ipsi obiciens. Ac deinde virtutis asperitatem, atque ingentes eius sudores ipsi proponebat: corporis item imbecillitatem & inexpertas atque insuetas ærumnas, & temporis longinquitatem, ac præsentem sitis oppressionem, quodque nulla ex parte consolatio vlla ipsi expectanda esset, aut tanti laboris, tantæque fatigationis finis. Ac denique ingentem in ipsius animo, quemadmodum quodam loco de magno Antonio proditum est, cogitationum puluerem commouebat.

*Cogitationum pul-
uis.*

Ut autem ad labefactandum ipsius animi institutum imbecillum hostis il-
le se

le se vidit (Christum enim ipse sibi ob a-
 nimum proponens, atque ipsius deside-
 rio inflammatus, speque egregie con-
 firmatus, ac fide subnixus, illius instin-
 ctus & consilia pro nihilo ducebat) pu-
 dore suffusus est, vtpote ad primum, ve-
 dici solet, impetum prostratus. Quapro-
 pter alteram viam inire coepit. multas
 quippe ipse vitij semitas habet: ac va-
 riis spectris eum euertere atque in me-
 tum conicere nitebatur. Nonnun-
 quam enim ater ipsi, vt est, apparebat.
 Nonnunquam rursus districtum gla-
 dium tenens, in eum impetum faciebat,
 seque eum, nisi quamprimum ab insti-
 tuto resiliret, percussurum minabatur.
 Quandoq; rursus variarum bestiarum
 formam subibat, aduersus ipsum rugies
 ac perquam horredum mugitum & stre-
 pitum edens: atque etiam in draconis
 & aspidis & reguli formam sese subinde
 immutabat. At præclarus ille ac stre-
 nuissimus pugil tranquillo animo con-
 sistebat, vt qui Altissimum perfugium
 suum posuisset. Ac mente excubans,
 pestiferumque spiritum irridens, dice-
 bat: Non me fugit, ô impostor, qui-
 nam sis, qui hæc in me excites: nimi-
 rum qui iam inde ab initio mortalium
 generi perniciem moliaris, nec vnquam

*Mille artis
 nocendi,*

Psal. 90.

T improj

improbitali studere, ac nocuentum
 inferre desinas. Ac sane quam pol-
 chre tibi hic habitus quadrat? Nam hoc
 ipso, quod bestias & reptilia imitaris,
 mentis tuæ feritatem & peruersitatem,
 voluntatisque ad noxam ac pestem in-
 ferendam promptitudinem demonstrat.
 Quid igitur, ô miser, ea aggredieris, quæ
 conficere non potes? Ex quo enim hæc
 artes, a quæ hæc spectra à tua improbi-
 tate proficisci comperi, nulla iam
 hinc sollicitudine afficior. *Dominus mi-
 hi adiutor: Ego despiciam inimicos meos.*
Et super aspidem & basiliscum, quorum
tu similitudinem expressisti, ambula-
bo: atque Christi potentia corroboratus,
leonem & draconem conculcabo. Confun-
dantur & erubescant omnes inimici mei,
confundantur & erubescant valde veloci-
ter.

Psal. 17.

Psal. 90.

Psal. 6.

Hac oratione utens, Crucisque signo
 hoc est, in uictis armis seipsum cingens,
 omnia diaboli spectra irrita reddidit.
 Confestim enim bestię ac reptilia instar
 fumi euauerunt, & sicut fluit cera à fa-
 cie ignis. Ipse autem Christi potentia
 confirmatus, læto animo proficisceba-
 tur, Deoque gratias agebat.

Psal. 67.

At etiam complures ac variæ bestię,
 variique

uariique generis serpentes & dracones, quos solitudo illa nutrebat, ipsi occurrentes, non iam per inane spectrum, sed re vera ab ipso cernebantur. Ex quo efficiebatur, vt metus quidem ac laboris via plena esset, ipse autem vtrumque animo & cogitatione superaret. Nam & metum charitas, vt Scripturæ verbis vtar, foras mittebat: & laborem cupiditas leuabat. Ad hunc itaque modum cum multis & variis calamitatibus, & ærumnis per dies haud paucos colluctatus, ad Senaaritidem illam solitudinem, in qua Barlaam habitabat, peruenit. Vbi etiam aquam nactus, siccis flammam restinxit.

1. IOAN. 4.

IOSAPHAT BARLAAMVÆ
*tandem inuenit, ac cum eo per multos
 annos vixit.*

CAPVT XXXVIII.

IOSAPHAT autem biennium integrum in hac vastissima solitudine mansit, huc atque illuc oberrans, nec Barlaamum inueniens: Deo nimirum hinc quoque; animi ipsius firmitatem ac strenuitatem explorante. Ac sic, sub dio degens, tum æstu conflagrabit, tum frigore obrigebat, præstantissimum illum

T 2

lum